



**Claudii Fleurii Abbatis Historia Ecclesiastica**

Ab anno Christi 1541. usque ad annum 1546

**Fleury, Claude**

**August. Vind. [u.a.], 1770**

**VD18 90118510**

§. 36. Decretum de emendatione morum.

---

[urn:nbn:de:hbz:466:1-66615](#)

Fonseca Castrimarinus Episcopus rem <sup>Sæc. XVI.</sup>  
 divinam de Spiritu sancto peregit, qua A.C. 1516.  
 absoluta Coriolanus Martiranus D. Mar-  
 ci Episcopus sermonem habuit de cor-  
 ruptis temporum moribus, ac funesto  
 Religionis statu. His peractis, solitis-  
 que precibus pie persolutis Episcopus,  
 qui antea sacris operabatur, Bullam  
 prælegit, qua Procuratorum, qui ab-  
 sentium vices agebant, suffragia colli-  
 gere prohibitum erat. Refert Pallavi-  
 cinus, quod eodem tempore Massarelus,  
 qui Cervino Cardinali a secretis erat, il-  
 lam prælegerit orationem, qua, ut in  
 prima Sessione meminimus, Papæ Le-  
 gati Synodi Patres adhortabantur.  
 Hanc a Cardinale Polo fuisse compo-  
 tam existimant nonnulli.

### §. XXXVI.

#### *Decretum de emendatione morum.*

In hac Sessione unicum duntaxat con- *Labbe l. c.*  
 ditum fuit Decretum, quod ab Epi- *p. 741.*

scopo Castrimario prælectum hujus est  
 tenoris: *Sacrosancta Tridentina Synodus*  
*in Spiritu sancto legitime congregata, in ea*  
*præsidentibus eisdem tribus Apostolicæ Sedis*  
*Legatis, agnoscens cum B. Jacobo Aposto-*  
*lo, quod omne datum optimum, & omne*  
*donum perfectum defusum est, descendens a*  
*Patre luminum, qui iis, qui postulant a se*  
*sapientiam, dat omnibus affluenter, & non*

*im-*

Sæcul. XVI A.C. 1546 improperat eis, & simul sciens, quod ini-

tium sapientiae est timor Domini, statuit &  
decrevit, omnes & singulos Christi fideles,  
in Civitate Tridentina congregatos exhorte-  
tanos esse, prout exhortatur, ut se a ma-  
litis & peccatis hactenus commissis emendar,  
ac de cetero in timore Domini ambalare, &  
desideria carnis non persicere, orationibus  
instare, saepius confiteri, Eucharistie Sa-  
cramentum sumere, Ecclesiæ frequentari,  
præcepta denique Dominica, quantum qui-  
que poterit, adimplere, nec non quotidiu  
pro pace Principum Christianorum, & uni-  
tate Ecclesiæ privatim orare velint; Ep-  
scopos vero, & quoscunque alios, in Ordine  
sacerdotali constitutos, œcumenicum Con-  
cilium in ea civitate concelebrantes, ut assidue  
in Dei laudibus incumbere, hostias, laudes  
& preces offerre, Sacrificium Missæ quolibet  
saltem die Dominico, in quo Deus lucem  
condidit, & a mortuis resurrexit, ac Spi-  
ritum sanctum in Discipulos infudit, pera-  
gere satagant, facientes, sicut idem Spir-  
itus sanctus per Apostolum præcipit, & ob-  
secrationes, orationes, postulationes, gra-  
tiarum actiones pro sanctissimo Domino no-  
stro Papa, pro Imperatore, pro Regibus &  
ceteris, qui in sublimitate constituti sunt, &  
pro omnibus hominibus, ut quietam & tran-  
quillam vitam agamus, pace fruamur, &  
fidei incrementum videamus. Præterea hor-  
tatur, ut jejunent saltem singulis sexiis fe-

rii  
mo  
ter  
tu  
&  
lii  
nu  
qu  
co  
ce  
te  
ca  
tu  
se  
m  
p  
d  
q  
v  
E  
g  
f  
t  
n  
j  
i  
q  
t  
r  
i  
r

riis in memoriam Passionis Domini, & eleē-Sæcul. XVI.  
 mosynas pauperibus erogent; in Ecclesia au- A.C.1546.  
 tem Cathedrali singulis quintis feriis celebre-  
 tur Missa de Spiritu sancto, cum Litanis  
 & aliis orationibus ad hoc institutis: in a-  
 liis vero Ecclesiis eadem die dicantur ad mi-  
 nus Litanæ & orationes, tempore autem,  
 quo sacra peraguntur, collocutiones, &  
 confabulationes non fiant; sed ore & animo  
 celebranti assistatur. Et quoniam oportet,  
 Episcopos esse irreprehensibiles, sobrios,  
 castos, domui suæ bene præpositos; hortar-  
 tur etiam, ut ante omnia quilibet in mensa  
 servet sobrietatem, moderationemque cibo-  
 rum: deinde cum in eo loco sæpe otiosi ser-  
 mones oriri soleant, ut in ipsorum Episco-  
 porum mensis divinarum Scripturarum le-  
 ñio admisceatur; familiares vero suos unus-  
 quisque instruat, & erudiat, ne sint rixosi,  
 vinosi, impudici, cupidi, elati, blasphemæ,  
 & voluptatum amatores; vitia demum fu-  
 giant, & virtutes amplectantur; & in ve-  
 slitu & cultu, & omnibus actibus honesta-  
 tem præferant, sicut decet Ministros Mi-  
 nistrorum Dei. Ad hæc, cum hujus sacro-  
 sandi Concilii præcipua cura, sollicitudo &  
 intentio sit, ut propulsatis hæresum tenebris  
 quæ per tot annos operuerunt terram, Ca-  
 tholicæ veritatis lux, JESU Christo, qui  
 vera lux est, annuente, candor, puritasque  
 resulgeat, & ea, quæ reformatio egent,  
 reformatur: ipsa Synodus hortatur om-

Hist. Eccles. Tom. XXXVIII. Dd nes

Sæcul. XVI. nes Catholicos hic congregatos, congregan-  
A. C. 1546. dos, atque eos præsertim, qui sacrarum li-  
terarum peritiam habent, ut sedula medita-  
tione diligenter secum ipsi cogitent, quibus  
potissimum viis & modis ipsius Synodi in-  
tentio dirigi, & optatum effectum sortiri  
possit; quo maturius & consultius damna  
damnanda, & probanda probari queant,  
ut per totum orbem omnes uno ore, &  
adem fidei confessione glorifcent Deum & Pa-  
trem Domini nostri JESU Christi. In sen-  
tentiis vero dicendis juxta Toletani Concili-  
statutum, in loco benedictionis confidenti-  
bus Domini Sacerdotibus, nullus debeat aut  
immodestis vocibus perstrepere, aut tumulti-  
bus perturbare, nullis etiam falsis, vanis  
aut obstinatis disceptationibus contendere;  
sed quidquid dicatur, sic mitissima verbo-  
rum prolatione temperetur, ut nec audiен-  
tes offendantur, nec recti judicii acies per-  
turbato animo inflectatur. Insuper ipsa sa-  
cra Synodus statuit, ac decrevit, quod si  
forte contigerit, aliquos debito in loco non  
sedere, & sententiam etiam sub verbo: Pla-  
cet, proferre, Congregationibus interesse,  
& alios quoscunque adus facere. Concilio  
durante, nulli propterea præjudicium gen-  
retur, nullique novum jus acquiratur.

Perfecto Decreto responderunt om-  
nes: *Placet*, idemque Præsul, qui illud  
recitayerat, Congregatos interrogabat,  
utrum

utrum sequentem Sessionem ad proximam diem quartam Februarii indici, A.C. 1546.

ratum haberent, ad quod omnes unanimi suffragio itidem exclamarunt: *Placet.* Verum Galliæ Episcopi rursus controversiam de Decreti titulo suscitant, pertinaciter contendentes, hæc verba esse præfigenda: *Synodus universalem Ecclesiam repræsentans.* Unde denuo ultiro citroque hac super re disceptabatur in Congregatione, quæ primum decima tertia Januarii habita est, eoquod Pachecus Giennensis Episcopus nuper mense Decembri Romæ ad Purpuratorum ordinem assumptus, cum esset natione Hispanus, Cæsaris consensum ad hoc præstolaretur, ut & ipse hac dignitate insignis Congregationi interesse posset.

### §. XXXVII.

#### *Congregatio pro decidenda līte de titulo Decretis præfigendo.*

In hac Congregatione ex Papæ Legatis primus contra eos querebatur, qui in nupera Sessione sese titulo Decreti opponebant. Nec tamen soli Franciæ Episcopi hanc litem movebant, eis enim pariter nonnulli ex Italis atque Hispanis accesserant, & quidem ex Hispanis præcipui erant Joannes Salazar,

D d 2 Lan-

Pallav. hist.

Conc. Trid.

l. 6. c. 5. n. 4.

Eg. c. 6. n. 1.

seq.